

適園叢書

張宗祥



通國書

張其成



古

宋

山

金

金

石

踐

四

齊

古泉山館金石文編殘稿

漢

葉子侯瞻族戒石

右石刻以建初尺度之高尺許廣二尺一寸八分書七行行五字行間有麤豎文作界字徑二寸許嘉慶庚辰秋四明沈

栗仲明府

道寬

來官湘南以搨本贈予云近出濟寧州土中

栗仲時館州城因得椎搨數本攷周禮冢人以爵等爲冢封之度鄭注別尊卑也王公曰冢諸城曰封禮記檀弓於是封之崇四尺鄭注聚土曰封又我見封之若堂者矣鄭注封築土爲壟形四方而高又樂記封比干之墓鄭注積土爲封又按儀禮既夕禮乃窆鄭注云窆下棺也今文窆爲封禮記檀

弓縣棺而封鄭康成注封當爲窆窆下棺也說文崩下云禮
記謂之封周官謂之窆易繫辭葬之中野不封不樹虞翻注
穿土稱封封古窆字也廣雅封冢也又按萊乃萊之隸變禹
貢萊夷作牧孔傳萊夷地名春秋襄公二年左氏傳齊侯使
諸姜宗婦來送葬召萊子萊不會故晏弱城東陽以徧之杜
氏注東陽齊竟上邑正義云世族譜不知萊國之姓齊侯召
萊子者不爲其姓姜也以其比鄰蔑之故召又宣公七年穀
梁傳公會齊侯伐萊范寧注萊國名國語齊語萊莒韋昭注
萊今東萊又案孟子若伊尹萊朱趙岐章句萊朱湯賢臣卽
仲虺也春秋文公二年左氏傳晉與秦戰於穀萊駒爲右又
哀公廿四年傳有萊章杜注萊章齊大夫是萊爲古姓本國

名而正在齊地乃以國爲氏也此刻所云萊子侯當是萊姓名子侯其下一字當是爲支人之支據許氏說文文字當从十从又作支支字當从巾从又作𠂔然隸書變支爲𠂔變𠂔爲支此刻支字不當讀爲丈人下一字乃象之變體漢郭公碑豫字作𠂔其右旁正與此刻形相似玉篇作𠂔以爲古文象字蓋支乃其人之姓人象則其名也莊子有支離益廣韻支下云漢複姓又晉時有高僧支遁後趙錄有司空支雄何氏姓苑云支氏琅邪人偕子食當亦是人姓名偕疑儲之省文廣韻云儲姓後漢有儲太伯予攷後漢書鮑永傳光武卽位遣諫議大夫儲太伯持節徵永章懷注引風俗通曰儲姓齊大夫儲子之後也而漢書王莽傳有上谷儲夏正在其時

然則此記蓋萊子侯使偕子食等用百余人爲支人象封其
冢而刻石等戒其子孫者也餘古省作余周禮地官委人凡
其余聚以待頒賜漢吳仲山碑父有余財皆以余爲餘攷漢
書王莽傳莽於居攝三年十一月改初始元年篡位改定有
天下號曰新以十二月朔癸酉爲建國元年正月之朔至五
年又改明年爲天鳳元年以改元更號而論旣稱天鳳不當
復稱始建國然莽傳前言莽先建元初始後改元建國不云
始建國而於後言建國元年正月上仍係以始字則於始建
國六年所謂改元天鳳者當是增天鳳二字於始建國之下
故此刻稱始建國天鳳三年耳據此可以證史家記載之失
實葉石林避暑錄話云韓丞相玉汝家藏銅斜銘稱始建國

天鳳上戊六年據漢書莽改始建國六年爲天鳳元年而不
言其因今天鳳上猶冒始建國爲蓋通爲一稱未嘗去舊號
上戊莽所作歷名也又洪氏隸釋跋蜀郡太守何君閣道碑
有建武中元二年之文云紹興中郭浩知金州田夫耕得一
鉦其銘云新始建國地皇上戊二年今此刻但無上戊二字
正可與葉洪二君所言互相證明此刻結體秀勁古茂在上
谷府卿祝其卿二墳壇石刻之上尙是西漢文字可寶也
漢章和銅洗

右章和銅洗嘉慶戊辰十一月長沙鄉民培土得之底內有
篆書陽欸一行云章和二年堂狼造章和乃東漢章帝紀年
二年則卽位之十三年也考漢書地理志堂狼係縣名犍爲

郡所領後漢書郡國志改郡爲屬國不載堂狼但於朱提下
引南中志云西南二里有堂狼山蓋後漢以堂狼并入朱提
矣郡國志朱提下云山出銀銅地理志亦云山出銀應邵謂
朱提山在西南以南中志西南二里有堂狼山之語證之則
二志所謂朱提山者卽指堂狼山而言也其地今貴州之威
寧雲南之東川二府蓋由來產銅故漢時銅洗多鑄於此地
理志狼字從王作琅宋書州郡志及後漢志皆從才作狼今
所見洗文皆作狼可知地理志乃傳寫之譌此洗所樞篆款
字畫工整結體有法想見當時鑄造不苟且銅質堅厚色澤
青翠入骨洵漢銅洗中之上品也以建初尺度之高七寸口
徑一尺三寸強底徑九寸弱其款如底之徑長寬則一寸八

分云

延光殘碑

此延光四年殘碑在山東諸城縣署乾隆初褚干峰摹入金石圖其文始可識後宮君懋讓及著錄家各有辨論總未能定爲何人之碑此搨本尙舊予先於長沙市肆見之今爲親家珠泉先生購得出眎爰爲題記癸酉六月

右褚干峰所釋如此近阮雲臺侍郎據舊搨本審定辨云第一行是吾上二字似神君第二行維恩上閒二字是延平下一字作卅頭左傍從卩又下一字左旁亦作卩玩其文義此君之父卒於延平初其母寡居至延光四年適符廿年下稱吾都官乃吏民頌述之詞也碑上有橫題額首似孔字

建安黃氏獸洗款識

右銅洗得自長沙市肆似新出土者不知出於何地以漢尺度之高六寸口徑一尺四寸底徑八寸五分底內模一獸形似羊蓋取吉祥之意羊之上黃字下一氏字俱篆書徑七八分氏字末筆下屈曲拖長寸許結構甚有古致口上周圍隱隱有文俱爲青綠銹蝕予手自洗剔出之陰款共三十三字不可辨者三字隸書徑三四分筆畫細不可搨而瘦勁秀媚頗類武梁祠石刻畫象旁題字真漢製也惜黃氏名字已漫滅不可辨攷後漢書獻帝紀興平三年正月癸酉改元建安夏六月乙未帝幸聞喜秋七月甲子車駕至洛陽司馬溫公通鑑據長歷推是年四月乙未朔七月甲子朔而五月六

月皆缺今驗洗文知六月乙未朔則五月必乙丑朔矣黃氏
自署郡縣云長沙安成攷兩漢長沙屬縣皆有安成吳寶鼎
元年置安成郡縣名如故晉太康初更名安復縣隋廢郡縣
改屬廬陵郡唐武德七年更名安福屬吉州至今仍之卽江
西吉安府所屬之安福縣也太平寰宇記謂安成故城在安
福縣西七十里郡國志作安城據此當從地理志作成漢器
往往識重與所直如此洗文有直錢七千重十五斤之語可
以攷見當時銅價及權衡大小一器之微有裨於學不尠洵
可寶矣

吳

九真太守谷朗碑

右九真太守谷朗碑首見歐公集古錄跋趙氏金石錄有目而無跋耒陽漢縣屬桂陽郡攷鳳皇元年乃歸命侯孫皓在位之九年也九真太守置自漢武帝元鼎六年後漢隸交州刺史部吳仍之碑云于時交州竊邑叛國戎車襲駕干戈未戢帝思俾乂訓咨羣司僉以君任部南州威恩素著遷九真太守攷吳志孫亮永安六年五月交阯郡吏呂興等反殺太守孫請遣使如魏請太守及兵七年分交州置廣州孫皓元興元年魏置交阯太守之郡寶鼎元年遣交阯刺史劉俊前部督修則等入擊交阯爲晉將毛晃等所破皆死兵散還合浦建衡元年十一月遣監軍虞汜等就合浦擊交阯三年禽殺晉所置守將九真日南皆還屬朗爲九真太守當在是時

卽鳳皇元年之前一年也碑敘其先出自顓頊益爲舜虞賜
姓嬴氏與史記秦本紀略同惟云屏子封於秦谷因而氏焉
本紀並無其文攷漢書地理志非子爲周孝王養馬汧渭之
閒孝王曰昔伯益知禽獸子孫不絕迺封爲附庸邑之於秦
今隴西秦亭秦谷是也又鄭康成毛詩譜與地理志略同皆
不云以谷爲氏惟秦本紀云大費生子二人一曰太廉實鳥
谷氏一曰若木實費氏蓋或卽鳥谷氏之後按秦本紀太廉
尙在非子之前與碑亦不合而漢書谷永傳言長安人碑又
未及其人益爲舜虞見虞書而漢書古今人表地理志及列
子皆作伯益秦本紀毛詩譜皆作柏翳小司馬索隱作柏翳
云尙書謂之伯益伯柏古字通翳益聲之轉耳屏子班馬二

史並作非子惟路史後紀注與碑同屏從非得聲古書可通用也劉陽今作瀏陽攷吳分臨湘縣置劉陽三國志潘濬傳及晉書地理志俱與碑同可知水旁爲後人所加疇咨之疇作訓攷說文引虞書作畀而言部有訓字訓譱也漢魏元丕碑劉寬碑鄭烈碑俱用此字碑銘詞有云名臬豹產者豹謂西門豹產謂鄭子產也漢人習用此語劉寬碑云■踰產豹魯峻碑云比蹤豹產與此意同臬字說文訓羣鳥鳴也从品在木上後人又加口旁作噪非是碑以往縱爲往蹤與夏承郭仲奇趙圉令魯峻高彪諸碑同攷說文無蹤字古人皆用縱也又流作涪見公羊傳黎作梨屢見漢碑皆隸變通用字此碑文詞古雅隸體端勁有法去東京未遠尙多漢人遺意

當與漢碑同爲墨林寶藏自歐公以來諸家罕有攷跋予曩
於外舅潛研堂見舊搨本手錄其文內有數字殘缺比來湘
南徧託友朋訪搨未獲昨徐星伯學使按試衡郡回以副本
見詒重爲校錄一過并題其後以識之 又按碑舊在縣東

五里又五里爲谷府君祠卽祀朗者今在縣北杜工部祠內
不知何人所移碑文凡十八行行二十四字八分書張應星
縣志載其文脫譌甚多賴碑尙在可據以補正之又攷通志
略秦氏注云蜚廉生二子一曰惡來其後爲秦二曰季勝其
後爲趙惡來之後五世曰非子初封於秦谷爲秦氏秦谷故
隴西秦亭是也後徙封平陽復遷歧豐之間又遷於犬丕又
遷於雍及櫟陽咸陽皆本於秦谷故號秦焉鄭漁仲所述大

略本之漢書地理志但以秦谷爲秦氏得姓之始而不知谷氏亦出於此廣韻一書於姓氏郡望載之最詳獨於谷下亦未及此此可據以補氏族書之遺者也又按谷朗碑僻在楚南下邑搨本頗難得予在長沙先得承學使徐星伯太史見惠嗣修通志撰金石志二十卷據以錄入逮志書刊成復有友人搨一本以相餉始見有額一行直書吳故九真太守谷府君之碑十一字亦隸書與碑文字體大小相同其式近似漢碑第不作篆書大字耳乃知趙德甫金石錄目稱此碑爲吳九真太守谷府君碑者據其題額書之也碑銘文末下有小正書約五行文皆漫滅僅存數字可見恐是近代人筆或記其遷碑始末耳